

Lansio ymgynghoriad ar ganllawiau oes silff ar gyfer cig eidion, cig oen a phorc oer wedi'u pecynnu dan wactod neu drwy addasu'r atmosffer

Heddiw, mae'r ASB wedi lansio ymgynghoriad ffurfiol chwe wythnos gyda rhanddeiliaid allweddol i lywio adolygiad o'r canllawiau ar ddiogelwch ac oes silff cig eidion, cig oen a phorc oer wedi'u pecynnu dan wactod (vacuum packed) neu drwy addasu'r atmosffer (modified atmosphere).

Ar hyn o bryd, mae [canllawiau'r ASB](#) yn cynghori mai 10 diwrnod yw'r uchafswm ar gyfer oes silff cig eidion, cig oen a phorc oer sydd wedi bod yn destun VP neu MAP, oni bai bod mesurau rheoli addas ar waith i leihau risgiau cysylltiedig yn briodol.

Yr haf hwn, cytunodd yr ASB, y diwydiant a phartneriaid eraill ar [ddatganiad ar y cyd](#) yn ymrwymo i weithio gyda'i gilydd i adolygu'r canllawiau presennol ac i ystyried newidiadau posibl.

I gael rhagor o wybodaeth am yr ymgynghoriad ac i gymryd rhan, ewch i dudalen [we ymgynghori'r ASB](#). Bydd yr ymgynghoriad yn dod i ben ar **11 Tachwedd 2020**.